


बच्चियां ताई बाइबल
पेस करदी ऐ

जाहलू परमात्मे सब
कुच्छ बणाया



Edward Hughes: दे जरिये लिखियो ऐ।

Byron Unger; Lazarus;
Alastair Paterson: दे जरिये बणाई गेई।

Bob Davies; Tammy S.: दे जरिये अनुकूलित।

Subramani N.: दे जरिये अनुवाद कित्ता।

Bible for Children
www.M1914.org: दे जरिये बणाई ऐ।

©2022 Bible for Children, Inc.

लाईसेंस: जाहलू तिकर तुहां इसा जो नी बेचदे हन, ताहलू तिकर तुहां
जो इसा काहणिया जो कोपी या परिंट करणे दी इज्जाजत ऐ।


1

अहां जो कुणी बणाया? बाइबल, परमात्मे दा वचन दस्सदा ऐ
कि मानस जात किआं सूरु होई। बडी पैहल्लें, परमात्में सबना
ते पैहल्लें माणुये जो बणाया कने तिसदा नां आदम रखेया।
परमात्में आदमे जो धरतिया दिया चिक्का ते बणाया। जाहलू
परमात्मे आदमे च जिन्दगिया दा शाह पाएया, तां सैह
जिन्दा माणु बणी गेआ। तिन्हीं
अप्पु जो अदन दे
बगीचे च पाएया।




2

परमात्ममें आदमे जो बणाणे ते पैहल्लें, तिन्हीं अनोखियां चीज्जां नें भरौया इक्क छैल संसार बणाया। जगाह-जागह पर परमात्ममें प्हाड़ कने समतल जगाह, खुसबुदार फुल कने बड़डे-बड़डे रूख, चमकिले पंखा आले पंछि, कने मधुमक्खियां कने फिसलणे आले पाणिये आले प्राणी बणाये। सच्ची च परमात्ममें सब कुच्छ बणाया ऐ - सब कुच्छ।




3

सुरु च, परमात्मे दे सब कुच्छ बणाणे ते पैहल्लें, परमात्मे ते अलावा कुच्छ भी नीं था। कोई माणु नीं, कोई जगाह नीं, कोई भी चीज्ज नीं, कुच्छ भी नीं था ना परगडा कने ना नेहरा, ना उपर ना थलें, कने ना कल, ना अज्ज। सिर्फ परमात्मा था जिसदी कोई सुरुआत नीं थी। ताहलू परमात्मे इक्क किरदार नभाया। सुरु च परमात्ममें अम्बर कने धरतिया जो बणाया।




4

कने धरती सुणसान कने खाली थी। कने नेहरा छाएया था। ताहलू परमात्ममें गलाया, “तिथु परगडा होई जां।”




5

कने परगडा होई गेआ, परमात्ममें परगडे जो दिन कने नेहरे जो रात गलाया, भिरी संझ होई कने भ्याग होई, इस तरिके नें पैहल्ला दिन होई गेआ।



6

दूये दिनें, परमात्ममें समुन्दर, कने झीलां दे पाणिये जो सुअर्गे दे थलें बणाया। त्रीये दिनें, परमात्ममें गलाया, “सूकी जमीन बणी जां।” कने तिआं ई होई गेआ।



7

परमात्मे घाहे जो, फुलां जो, झाडियाँ कने रूखां जो भी बणने दा हुक्म दिता। कने सैह बणी गे। भिरी संझ होई कने भ्याग होई, इस तरिके नें त्रीया दिन होई गेआ।



8

ताहलू परमात्ममें सूरजे जो, चन्द्रमे जो कने इतणे तारे बणाये कि कोई तिन्हां जो गिणी नीं सकदा। भिरी संझ होई कने भ्याग होई, इस तरिके नैं चौथा दिन होई गोआ।



9


संमुन्दरी जीव कने मच्छियां कने पंछि परमात्मे दिया सूचिया च दूये नम्बरे च थे। पंजमें दिनें तिन्हीं बड़डी बहेल मच्छि, लम्भियां जंगा आले सुतरमुर्ग कने लोकके-लोकके पंछि बणाये। परमात्ममें धरतिया दे पाणिये जो भरणे तांई हर किस्मां दियां मच्छियां कने धरतिया कने समुन्दरे कने अम्बरे दा अनन्द लैणे तांई हर किस्मां दे पंछि बणाये। भिरी संझ कने भ्याग होई, इस तरिके नैं पंजमा दिन होई गोआ।



10

तिसते बाद, परमात्ममें भिरी ग्लाय, “धरतिया पर जिन्दे प्राणी पैदा होन।” हर किस्मा दे जानवर, कीड़े-मकोड़े कने रेगणे आले जन्तु बणाये। धरतिया जो हिल्लाई दैणे आले हाथी कने बिजी ऊदबिलाब थे। शरारती बन्दर कने अनाडी मगरमच्छ, गोल-गोल कीड़े कने चालाक गिलैरी, जिराफ कने बिल्ली बणाये। तिस दिन हर किस्मां दे जानवर परमात्ममें बणाएयो थे।

भिरी संझ होई कने भ्याग होई, इस तरिके नैं छैमा दिन होई गोआ।




11

छैमें दिनें परमात्ममें कुच्छ होर किता, जेहडा तिन्हीं किता सैह बड़ा खास था। हुण माणुयें तांई सब कुच्छ त्यार था। तिसदिया सेवा तांई खेतां च अनाज कने जानवर थे। कने परमात्ममें ग्लाय, अहां माणुये जो अपणिया छविया दे मताबक बणान; सैह धरतिया पर सब चीजजां पर अधिकारी होयें। तां परमात्ममें माणुये जो अपणिया छविया च बणाया; अपणिया छविया च तिन्हीं तिसियो बणाया।



12

परमात्ममें आदमे नैं गल्ल किती, कि “बगीचे च जेहडा चाह सैह खाई सकदा। अपर भले कने बुरे दे ज्ञाने दे रूखे दा फल मत खा। जे तुहां तिस रूखे दा फल खांगे तां जरूर मरी जांगे।”



13

कने यहोवा परमात्ममें ग्लाय, माणुये दा किल्ला रैहणा ठीक नीं ऐ। में इस तांई इक्क साथी बणागा। परमात्मे सारे पंछियां कने जानवरां जो आदमे अल्ल लेई आया। आदमें तिन्हां सबना दा नां रखेया। इआं करणे च सैह बड़ा होशियार था। अपर सारे पंछियां कने जानवरां च आदमे तांई ठीक ढंगे दा साथी नीं मिल्ला।



14

तिसते बाद परमात्मे आदमे जो डुगिया निंदरा च पाई
दिता, सुतेयो आदमे दी इक्क पसलिया जो कडुयेया कने
तिसा पसलिया ते परमात्में जणास बणाई दिती कने
तिसियो बिसामे आला दिन बणाई
दिता। परमात्मे जिसा जणासा
जो बणाया, कने आदमे दी
कने तिसा दी जोड़ी
बिल्कुल मिलदी
जुलदी थी।



15

परमात्में सब कुच्छ छिं दिनां च बणाया।
ताहलू परमात्में सतमें दिनें जो आसीष दिती
कने तिसियो बिसामे आला दिन बणाई
दिता। अदन दे बगीचे च, आदम कने तिसदी
लाड़ी हच्वा परमात्मे दे हुक्मां जो मनी करी,
बडे खुस थे। यहोवा परमात्मा तिन्हां दा
पालन पोसण कने साथी था।



16

जाहलू परमात्मे सब कुच्छ बणाया
परमात्मे दा वचन, बाइबला दी इक्की काहणिया
च पाएया जांदा ऐ
सृष्टिया दी सुरूआत 1-2

“तेरे वचनां दी समझ मिन्जो जोती दिंदी ऐ।”
भजन 119:130



1

60

18

बाइबला दी एह काहणी अहां जो अहां दे
अनोखे परमात्मे दे बारे च दस्सदी ऐ जिन्हीं अहां जो
बणाया ऐ कने जेहड़ा सैह चांहदा ऐ कि अहां तिसियो जाणी पान।

परमात्मा जाणदा ऐ कि अहां बुरे कम्म कितेयो हन जिसियो सैह पाप ग्लांदा
ऐ। पाप दी सज़ा मौत ऐ, अपर परमात्में अहां नैं इतणा प्यार कित्ता ऐ कि
तिन्हीं अपणे इक्कलौते पुत्र, यीशु जो सलिया पर मरणे तांई घल्लेया। तांजे
अहां अपणे पापां दिया सज़ा ते बची सकन। ताहलू यीशु दोबारा जिन्दा होएया
कने सुअर्गे जो चली गेआ। जे तुहां यीशु पर बसुआस करदे हन कने अपणे
पापां ते पश्चाताप करदे हन, तां सैह इआं करगा जाहलू सैह वापस आंगा कने
तुहां सौगी रेंहगा, कने तुहां तिस सौगी सदा तांई जिन्दे रेंहगे।

मेरे प्यारे यीशु, मिन्जो बसुआस ऐ कि तुहां परमात्मा हन, कने मेरे
पापां तांई तुहां माणु बणी करी अपणे प्राण देई दिते, कने हुण भी तुहां
जिन्दे परमात्मा हन। करिपा करी नैं तुहां मेरिया जिन्दगिया च ओआ कने
मेरे पापां जो माफ करा, तांजे में हुण नौई जिन्दगी पाई सकैं, कने हर दिन
में तुहां सौगी रेंह। तुहां अपणे हुक्मां जो मनणे तांई मेरी मदत करा
कने में अपणी जिन्दगी तुहां सौगी जी सकैं। अमीन।

हर रोज बाइबल पढ़ा कने परमात्मे नैं गल्लां करा। यूहन्ना 3:16

19